



M̄ng-m̄ng-á Hō

Ông Óan-thêng

Thiⁿ lōh chit-chūn m̄ng-m̄ng-á hō, hōr-tih chhin-chhiūⁿ bí-liáp-á hiah sè liáp, liâu-liâu-á lōh, bō s̄ng se, mā bō s̄ng bát.

Lō--nih ê lâng kin-pún bō teh sìn-táu chit-chūn hō. In bō siūⁿ beh giäh hō-sòaⁿ, mā bō siūⁿ beh chhēng hō-i, sin-khu iû-gôan khiā tit-tit, thâu bō lê, kha-chiah bō ku, chhiú mā bō kiu, tiōh án-ne bān-bān-á sàñ-pō kiâⁿ ke-lō, tiōh án-ne tâuh-tâuh-á khiâ in ê o-tó-bái beh tñg khì chhù--nih.

Chêng kúi-kang siuⁿ jōah lah, kui-kang lóng tōa-liáp kōaⁿ sè-liáp kōaⁿ, sin-khu liâm-thi-thi, chin chhiah-iáh. Chiâⁿ bō kán-tan, kin-á-jit chóng-s̄ng lōh chit-tiám-á hō, kám-kak khah chhiu-chhìn. Sui-jiân bák-kiàⁿ-jîn ū hō-tih, m̄-kú koh khòaⁿ ê chheng-chhó, saⁿ-á-khò hō hō-tih ak tiōh mā bē kám-kak sip-kōaⁿ, kan-taⁿ kám-kak chiok liâng-sóng. Chit-sî, chit-chūn lâm-hong ùi bīn chhoe--kòe--lâi, cheng-sîn koh khah chheng-chhái.

Sóng-khòai ê hong, chhiáⁿ lí kā gún só-ū ak-chak ê tāi-chì chôan-pō chhoe hō châu; chheng-liâng ê hō, gōan lí kā gún thái-ko ê sim -koan sé hō chheng-khì liu-liu.

Thiⁿ gôan-châi bōng-bōng. M̄-kú, góa í-keng khòaⁿ tiōh tâm-pôh-á jit-thâu ùi kâu- kâu ê chân-hûn lâi-té sô--chhut--lâi, kâ sì- chiu-ûi ê o-hûn chiò kâu kng-siám-siám.